



*Ilaqutariinnermut  
Pisortaqarfik*

Meerartaarnermi

**Sulinngiffeqartarnerat**





NAMMINERSORNERULLUTIK OQARTUSSAT · GRØNLANDS HJEMMESTYRE

Ilaqtariinnermut Pisortaqarfik  
Familiendirektoratet



# Imai

Naartunermi erninermilu sulinngiffeqartarneq . . . . .	5
Kikkut sulinngiffeqarsinnaatitaappat . . . . .	6
Sulinngiffeqarnerup sivirususia . . . . .	7
Naartunermi ernereernermilu sulinngiffeqartarneq . . . . .	8
Anaanaasoq . . . . .	9
<i>Naartunermi sulinngiffeqartarneq</i>	
<i>Anaanaasup erninermut atatillugu sulinngiffeqarnera</i>	
Ataataasoq . . . . .	10
Angajoqqaat . . . . .	11
Meeraq/meeqqat napparsimavimmi uninngatillugit . . . . .	12
<i>Meeravissiartaarnermi sulinngiffeqarneq</i>	
Sulinngiffeqarnissaq pillugu suliffimmut nalunaaruteqatarneq . . . . .	13
<i>Anaanaasoq</i>	
<i>Ataataasoq</i>	
<i>Angajoqqaat</i>	



Malugiuk ...	15
<i>Sulinngiffeqarnermik kipititsineq</i>	
<i>Danmarkimiikkallarnermi nunani allaniikkallarnermiluunniit</i>	
<i>Soraarsitsineq</i>	
Naartunermut erninermut atatillugu sulinngiffeqartarnermi ullormusiaqartarneq . . . . .	16
Ullormusiat annertussusiannik naatsorsuineq . . . . .	18
<i>Sulisartut</i>	
<i>Inuussutissarsiortut namminersortut, imaluunniit namminersortunut ikiortit</i>	
<i>Ilinniartut</i>	
<i>Meeqqat atuarfianni annerni atuartut</i>	
Ullormusiaqarnissamik qinnuteqaateqartarneq . . . . .	21
Paasissutissat sukumiinerusut . . . . .	22



## Naartunermi erninermilu sulinnigiffeqartarneq

Naartunermut erninermullu atatil-  
lugu sulinnigiffeqartarneq ima  
paasineqassaaq, inuk sulinerminik  
unitsitsigallartoq. Tassa imaappoq,  
piffissami naartunermi erninerullu  
kingornatigut suliffimmit sulin-  
ngiffeqarsinnaatitaasoq, sulinnigif-  
feqareernerullu kingorna suliffim-  
mut uteqqissinnaatitaasoq.

Sulinnigiffeqarnissamut piumasa-  
qaataavoq Kalaallit Nunaanni  
najugaqarnissaq inuillu allattorsi-  
maffianni allatsissimanissaq.

## Kikkut sulinnigiffeqarsinnaatitaappat

Malittarisassani pingaarnersaavoq erniffissatut naatsorsuutigisaaq sap. ak. 13-it kingulliit sioqqullugit anaanaasoq ataataasorlu sulinnigiffeqarsinnaatitaapput:

- ♥ akissarsiaqarlutik sulisarsimagunik, *imaluunniit*
- ♥ namminersortutut inuussutissarsiortuusimagunik, taamaattumulluunniit ikiortaasimagunik, *imaluunniit*
- ♥ ilinniartuusimagunik, *imaluunniit*
- ♥ meeqqat atuarfiani klassini annerni atuartuusimagunik

Inuit pisortanit ikiorsiissutinik pisartagallit naartunermut erninermullu atatillugu sulinnigiffeqarniartut kommunit saaffigineqquneqarput.



## Sulinngiffeqarnerup sivissusia

Nalinginnaasumik sulinnigiffeqartar-  
neq sisamanut pingaarnernut immik-  
koortinneqartarpoq:

1. Naartunermut atatillugu sulin-  
ngiffeqarneq – tassa imaappoq,  
anaanaasup erniffissamisut naat-  
sorsuutigisaa sioqqullugu sulin-  
ngiffeqarsinnaanera
2. Anaanaasup sulinnigiffeqarsin-  
naanera – tassa imaappoq, anaa-  
naasup ernereernerup kingorna  
sulinnigiffeqarsinnaanera
3. Ataataasup sulinnigiffeqarsinnaa-  
nera – tassa imaappoq, ataataasup  
meeqqap inunngoreernerata ki-  
ngorna sulinnigiffeqarsinnaanera
4. Angajoqqaatut sulinnigiffeqar-  
sinnaanek – naartunermut erni-  
nermullu atatillugu sulinnigiffeqa-  
reernerisa kingorna angajoqqaat  
meeqqaminnik paarsisinnaatitaa-  
nerat.

# Naartunermi ernereernermilu sulinngiffeqartarneq

	Naartunermi sulinngiffeqartarneq	Naartunermut erninermullu atatillugu sulinngiffeqartarneq Ataataasullu sulinngiffeqartarnera	Angajoqqaatut sulinngiffeqartarneq
Anaanaq	Ernineq sioqqullugu sap. ak. marluk ♥♥	Ernereernerup kingorna sap. ak. 15-nit ♥♥♥♥♥♥♥♥♥♥♥♥♥♥♥♥♥♥	
Avinneqarsinnaasut			Sap. ak. 17-nit ♥♥♥♥♥♥♥♥♥♥♥♥♥♥♥♥♥♥
Ataataq		◀    ♥♥♥ ▶    Sap. ak. 15-nit siulliit iluanni sap. ak. pingsut. Qaqugu sap. ak. Pingasut sulinngiffeqarfissanerlugit ataataasup nammineq aalajangissavaa.	





# Anaanaasoq

## **Naartunermi sulinngiffeqartarneq**

Peqqinnissaqarfik naliliippat erninissamut sap. ak. marluinnanngortut naartusoq sulinngiffeqarsinnaalissaaq. Naartusoq siusinnerusukkut sulinngiffeqarsinnaavoq, naartusoq naartunermi napparsimappat, nakorsallu nalilerpagu sulinerup ingerlatiinnarnissaa aarlerinartortaartoq. Aamma naartusoq siusinnerusukkut sulinngiffeqarniarsinnaavoq, suliai ima pissuseqarpata naartumut innarliisinnaallutik sulisitsisullu naleqquttumik suliakersinnaanngippagu.

## **Anaanaasup erninermut atatillugu sulinngiffeqarnera**

Anaanaasoq ernereermermi kingorna sap. ak. 15-nit sulinngiffeqarsinnaavoq. Marlulinermi amerlanerusunilluunniit erninermi anaanaasoq sap. ak. 19-nit sulinngiffeqarsinnaavoq. Pisinnaatitaaffik taanna peernaviannngilaq anaanaasup meeraq tigumminngikkaluaruniulluunniit.

## Ataataasoq

Meeqqap inunngoreernerata kingorna ataataasoq sap. ak. pingasuni sulinngiffeqarsinnaatitaavoq. Meeqqap/meeqqat inunngoreernerata kingorna sap. ak. siulliit 15/19-nit iluanni sulinngiffeqassaaq. Tassa imaappoq ataataasoq anaanaasup sulinngiffeqarnerata nalaani sulinngiffeqassaaq. Inatsisit malillugit ataataasoq kisimi sulinngiffeqarsinnaatitaavoq.



## Angajoqqaat

Angajoqqaat inuttut immikkut naartunermut erninermullu atatillugu sulinngiffeqarsinnaanerisa saniatigut sulinngiffeqarnerup naareernerata kingorna naalungiarsuutiminnik paarsillutik sulinngiffeqarsinnaatitaapput. Naartunermut erninermullu atatillugu sulinngiffeqartarnerup ilaa taanna angajoqqaat sulinngiffeqarnerannik taaneqartarpoq. Angajoqqaat sulinngiffeqarnerat anaanaasup sulinngiffeqarunnaarneranut atatillugu sulinngiffeqarfusarpoq. Ataatsimik erninermi sulinngiffeqarneq sap. ak. 17-iupput, marlulinermi imalunniit amerlanerusunik erninermi sulinngiffeqarneq sap. ak. 21-iusarput. Angajoqqaat namminneq toqqassavaat kina sulinngiffeqassanersoq, piumagunillu avissinnaallugit. Ataatsikkulli sulinngiffeqarsinnaanngillat.



## Meeraq/meeqqat napparsimavimmi uninggatillugit

Meeraq/meeqqat napparsimmavimmut unitsinneqarpata, uninggaaffisa sivosqataanik sulinggiffeqarneq sivitsorneqassaaq. Sulinggiffeqarnerli sivilunerpaamik sap. ak. 13-inik sivitsorneqarsinnaavoq.

### **Meeravissiartaarnermi sulinggiffeqarneq**

Meeravissiartaartut naartunermut erninermullu atatillugu sulinggiffeqarnertulli sulinggiffeqarsinnaatitaapput, taamatullu meeravissiartaartut akunnerminni agguarsinnaasaminnik sulinggiffeqarsinnaatitaallutik.

Sivikinnerpaamik ukiumi ataatsimi paaqqinninnissamut pisinnaatitsissutip tunniunneqarnerani isumaginninnermut ataatsimiititaliamut sulinggiffeqarnissaq qinnutigineqarsinnaavoq. Malittarisassat atuuttut malillugit tamanna tunniunneqarsinnaavoq.





## Sulinngiffeqarnissaq pillugu suliffimmut nalunaaruteqatarneq

Inatsisini isumaqatigiissutiniluunniit killissaritatat atuuttut malillugit sulinnigiffeqarnissat pillugu sulisitsisunnut nalunaaruteqarnissat pingaaruteqarpoq. Nalunaaruteqarnissamut killiliussaq eqqortinngikkukku sulinnigiffeqarnissamut pisinnaatitaanerit annaaratarsinnaagakku – tassa imaappoq sulisitsisuit soraarsissinnaavaatit, sulinnigiffeqarnissat toqqassagalarukku.

Isumaqatigiissutini allanik malitassaqanngippat, uku nalunaaruteqarnissamut killissaritatat atuupput:

### **Anaanaasoq**

Anaanaasup kingusinnerpaamik erniffissatut naatsorsuutigisaasup sap. ak. 13 sioqqullugu sulisitsisuni nalunaarfigissavaa. Sap. ak. arfineq pingasut ernereernerup kingorna sulisitsisuni nalunaarfigissavaa, qaqugu sulileqqinnissani naatsorsuutiginerlugu.



### ||||▶ **Ataataasoq**

Ataataasup sulisitsisuni nalunaarfissavaa sulinngiffeqarfisatut naatsorsuutigineqartup sap. ak. sisamat sioqqullugit, ernereernerup kingorna sap. ak. siulliit 15/19-nit iluanni sap. ak. pingasuni sulinngiffeqarniarluni. Kingusinnerpaamilli ernereernerup kingorna sap. ak. arfineq pingasut qaangiutsinnagit nalunaarutigineqarsimassaaq.

### **Angajoqqaat**

Angajoqqaat sulinngiffeqarniarunik killiliussat taaneqartut iluanni aamma nalunaaruteqas-sapput.



## Malugiuk ...

### **Sulinngiffeqarnermik kipititsineq**

Sulinngiffeqarneq kipitinneqarpat sulinnigiffeqarnissap sinnera tiguneqarsinnaajunaassaaq. Sulinnigiffeqarneq kipitinneqartutut naatsorsuutigineqassaaq sulineq, feeriarneg, atuartitsineq ilinniarnelunniit ilaannakortumik tamakkiisumilunniit aallarteqqinneqarsimappat.

### **Danmarkimiikkallarnermi nunani allaniikkallarnermiluunniit**

Danmarkimiikkallarnermi sulinnigiffeqarnermut atatillugu ullormusiat tunniunneqarnissaannut akorngutissaqanngilaq. Tamanna atuuppoq sivikinnerusumi allamiikkallarnermi. Aalajangersimasumik suli Kalaallit Nunaanni najugaqarnissaq piumasarineqarpoq.

### **Soraarsitsineq**

Sulisitsisoq naartuneg, ernineq meeravissiartaarnerluunniit pissutigalugu soraarsitsisinnaanngilaq.



## Naartunermut erninermut atatillugu sulinnigiffeqartarnermi ullormusiaqartarneq

Naartunermi erninermilu sulinnigiffeqarnermi tamakkiisumik aningaasarsiaqarnissaq isumaqatigiissutini ilaangippat, imaluunniit sulinnigiffeqarnerup ilaannaa aningaasarsiaqaatigineqassappat ullormusiaqartinneqarsinnaavutit. Aningaasarsiaqartilluni ullormusiat peerneqassapput appartinneqarlutilluunniit.

Ullormusiat nal. Akunneranut aalajangersimasumik amerlassusilerlugit tunniunneqartassapput, taakkulu SIK-ip pisortallu isumaqatigiissutaat sukkulluunniit atuuttut malillugit 18-ilereersimasunut suliamik ilinniagaqanngitsunut nal. Akunnermusiarititaasut ikinnerpaaffiatuut amerlassuseqassapput.







## Ullormusiat annertussusiannik naatsorsuineq

### **Sulisartut**

Sulinngiffeqarnissaq sap. ak. kingulliit 13-nit sioqqullugu aningaasarsiaqarluni sulinermit ullormu-siat naatsorsorneqassapput. Sap. ak. tiimit agguaqatigiisillugit ullormusiaqartitsinermi piffissaq tamakkerlugu tunngavigineqassapput. Taamaattorli annerpaamik sap. ak. 40 tiimit ullormusiaritinneqarsinnaapput. Sap. ak. 13-it kingulliit iluanni 180 tiimit ataallugit sulisima-gaanni, assersuutigalugu suliffissaaleqineq pissutigalugu, taava tiimit amerlassusii annertussusilerneqassapput, taakkulu 180 tiiminngorlugit (naleqarlutik 14 tiimit sap. ak.) ullormusiatut tunniunneqassapput.



**Inuussutissarsiortut namminersortut,  
imaluunniit namminersortunut ikiortit**

Namminersorlutik inuussutissarsiortunut, namminersortunulluunniit ikiortinut tassalu apparisanut inooqatigisanulluunniit ullormusiat sap. ak. 13-it sinnerpatigit 180 tiiminut annertussusilerlugit tunniunneqarsinnaapput, tassa imaappoq sap. ak. 14 tiimit, ullormusiallip takutissinnaappagu sulinngiffeqarnerup nalaani isertitat appariaataat ullormusiarisartanit annertuumik nikingassuteqartut.

## **Ilinniartut**

Ilinniartut ilinniarnerminnik unitsitsigallarnissamik toqqaasut ilinniagaqarnersiutit meeqqanullu tapit annertoqataannik ullormusiaqartinneqarsinnaatitaapput.

## **Meeqqat atuarianni annerni atuartut**

Meeqqat atuarianni annerni atuartut 16-inik ukioqalereersimasut, piffissamilu meeqqat atuarianni atuartitsinermut soraarummeernermullu peqataangitsut, atuanngiffeqarnerullu aallartinnginnerani sap. ak. 13-it kingulliit iluanni meeqqat atuarianni klassini annerni atuartut tapiissutisisartut annertoqataannik ullormusiaqartinneqarsinnaapput meeqqanut tapiissut ilanngullugu. Atuartoq 18-it inorlugit ukioqarpat piumasarineqarpoq angajoqqaatut oqartussaassusillit akuersissuteqarsimanissaat.





## Ullormusiaqarnissamik qinnuteqaateqartarneq

Ullormusiaqarnissamik qinnuteqaat kommunimi isumaginninnermut ingerlatsivimmut tunniunneqassaaq. Qinnuteqaat kingusinnerpaamik qaammatit pingasut erninerup kingorna meeravissiarthaalluunniit tigunerata kingorna pissaaq.

Qinnuteqaammut ilanngunneqassapput:

- ♥ Nakorsap oqaaseqaataa tassani erniffisatut naatsorsuutigisaasoq uppersarsarneqassaaq
- ♥ Sap. ak. kingullerni 13-ini aningaasarsiat allagartaat
- ♥ Ullormusiat sumut bankkontomut ikineqarnissaanut paasissutissat
- ♥ Skattekortti

## Paasissutissat sukumiinerusut

Sulinngiffeqartarneq, ullormusiat il.il. pillugit paasissutissanik sukumiinerusunik kommuninni isumaginninnermut ingerlatsivimmut saaffiginnikkut pissarsisinnaavutit.

Sulinngiffeqartarnermut il.il. aamma naartunermut, erninermut meeravissiartaarnermullu malittarisassat ukunani aalajangersarneqarsimapput:

Inatsisartut peqqussutaanni nr. 12, 31. oktober 1996-imeersumi.


Inatsisartut peqqussutaanni nr. 12, 30. oktober 1998-imeersumi.

Inatsisartut peqqussutaanni nr. 6, 11. november 2000-imeersumi.

Inatsisartut peqqussutaanni nr. 1, 27. marts 2006-imeersumi

Namminersornerullutik Oqartussat nalunaarutaanni nr. 40, 23. december 1996-imeersumi





2007